

真高上玉皇玉皇受之於玉清帝君消魔大  
王大王受之於八天虛皇帝君口口相傳不  
記文字帝君今可書而錄之使得流布將來  
衆生吾當以神通力守護此經隨有之處悉  
皆吉祥大劫之周餘道皆滅此經獨存當選  
大羅之天八十一隨機下世救度天人於是太微帝  
君鑄玉為簡錄金為字編以白銀撰錄此經  
感以紫玉之函封於七寶之臺仙童玉女散  
花燒香供養靈文是時大衆聞受經已太上  
道君還於玉京諸來會者各禮而去。

太上洞玄靈寶開演秘藏藏經終

太上洞玄靈寶真文要解上經

高玄大法師受

八十三

太上靈寶治玄都玉京山七寶宮臺十方至  
真自然妙行真人飛仙大聖衆皆浮空燒香  
散華旋行一日三周手把十絕華幡口誦洞  
章日月交迴七星運關三百三十日則天關  
迴山一度三百三十度則九天氣交三千三  
百度天地氣交天地氣交為小劫交九千九  
百度則大劫周此時則天淪地沒九海演一  
金玉化消臺末无遺天地所以長存不傾者  
元始命五老上真以靈寶真文封於五嶽之  
洞以安神鎮靈制命河源致洪泉不涌大災  
不行此自然之文故曰靈寶九天上書牒鬼  
神所知世有其文則保國寧家萬災不衝寧  
得其法至大劫之周時晏鴻翻而高翔躡飛  
霄而浮空也八十二舊科四萬劫一出皆授宿有金  
名刻簡來生應為真人者  
太上元始靈寶五篇真文舊藏太上玄臺七  
寶上宮天書宛真不可尋詳文彩煥曜洞映  
上清五老侍衛上帝朝真玉女執巾金童揚

煙燭百和合香流薰紫庭吐日精以却穢散  
月華以拂塵神燈朗照炳燭合明金風八發  
慶雲四陳鸞鳳悲鳴嘯歌邕邕飛龍毒獸備  
衛玉闕萬帝稽首旋行上宮飛空步虛嘯詠  
洞章讚九天之靈與欣三天之寶明寔玄文  
之妙重功德巍巍乎太空故元始記篇有一  
十二德以崇實於天眞標靈文之難窮一若  
其德如虛無澄真洞寂澹泊自然幽幽冥冥  
為天地之根二者其德如大道恢廓無為為  
神明之宗一切萬物普受其成功三者其德  
如天澄虛廣覆高浮上清一切萬物普受生  
成四者其德如地開張養生含容無細一切  
萬物受其厚載五者其德如日月光明洞映  
無幽不徹一切萬物受其柔惠六者其德如  
衆星照耀諸天朗達幽冥一切萬物普受光  
明七者其德如雲雨和天潤地流澤廣施一  
切萬物普蒙惠灑八者其德如四時轉輪陰  
陽節氣和平一切萬物普受含生九者其德  
如太山包容障遏威靈恢恢五帝安鎮神仙  
所居十者其德如大江柔弱滂滂惠流百方

不簡穢賤无細不容十一者其德如真教導  
 三乘綿綿長存開張法門普濟萬民十二者  
 其德如神人救死護生使寒及起煙演明玄  
 教普度天民靈文妙重出於自然故標其至  
 德以貴其真夫靈寶五文皆天地之根化生  
 五老上總五星下鎮五嶽運導五行通人五  
 臟每氣養神保國寧家使帝主興隆萬災不  
 加洪波不衝靈文既見保天長存元始之旨  
 其微其深今故相告秘而勿宣勤加修誦道  
 自感焉

太上大道君曰夫為道結緣世世不絕致善  
 福來生當行十二上願普度一切致國太平  
 家門興隆子孫昌熾世出賢明七祖生天轉  
 輪福堂此功高重勤而修行一者當願大道  
 澹泊虛無安閑空寂澄清自居廣開法門教  
 導頑夫皆蒙惠解精苦是修預以同學善得  
 昇虛與天相保長存无憂一切衆生咸同享  
 謚二者當願諸天結氣澄清高虛廣覆保真  
 固靈氣候調節四運和平國安民豐普天闔  
 寧廣濟一切惠遠有生保劫長存億億不傾

三者當願地上廣載無窮安平不陷海淪不  
 崩保鎮寧國兆民興隆養生安死惠周十方  
 木稼種植滋生日豐合德厚載萬願咸從四  
 者當願日月二景高明無有蝕虧安清  
 光照諸天洞消闇冥保固劫運世祚和平普  
 加惠潤澤灑衆生五者當願星辰與日月齊  
 光轉燭照曜映明十方各安其位經緯直行  
 保鎮安國无有災殃四海寧一普天興隆六  
 者當願四時隨節推遷景氣和調无有災患  
 疫毒消滅普天平安五穀豐熟國富民惟七  
 者當願浮雲結氣聚煙飛空高澄塵覆寰宇  
 隱則無為散則彌天神仙同車結交衆真惠  
 流一切興國愛民普濟羣生人同劫年八者  
 當願風雨流灑无窮普加施泄受其發揚萬  
 物滋生國階民豐九者當願五嶽各安其方  
 巍巍包藏長為仙宮安鎮國祚保天无終護  
 度一切莫不仰宗十者當願江海滂瀉无極  
 舍容恢廓无細不涸淵泉柔惠潤加動息天  
 人獲慶年同劫石十一者當願帝主國土日  
 昌四鎮安穩兵革不揚天民歌唱吉應米祥

敷教濟海感化洋洋兆庶稱慶長樂未央十  
 二者當願善飛蛸動已生未生成靈完全善  
 得生成皆充元氣受陽之形草木果林使經  
 冬不零一切濟度靡不鮮榮此十二大願舊  
 出元始五篇智慧經中靈寶大慈之遺施惠  
 種福為人結因其功廣大其報難稱斯福之  
 上業功德諸天有見此法立應自然動心修  
 行生死獲仙

太上大道君曰昔昔受之於元始天王使授  
 仙公仙王仙卿上清真人不傳中仙自无玄  
 圓帝簡玉名上清不得見聞脫有漏慢之中  
 見亦不勤九天禁書四萬劫一傳  
 夫修學之士不行此法功德不建思无感微  
 真靈不降與善緣冥絕福路既乖仙何有日  
 至學之士當當齊戒行香朝禮事竟仍東向  
 行願心口相應无有異念將足以招玄真於  
 虛無坐求靈福於自然拔七祖於幽牢昇窮  
 魂於南宮保家國於危運禳天災於康年此  
 福巍巍難可具宣於是說靈寶自然五篇衛  
 靈神呪曰

東方

九氣青天 明星大神 煥照東鄉 洞映九門  
轉燭揚光 掃穢除氛 開明童子 備衛我軒  
收魔束袂 上對帝君 奉承正道 赤書玉文  
九天符命 攝龍驛傳 普天安鎮 我得飛仙

南方

南方丹天 三氣流光 熒星轉燭 洞照太陽  
上有赤精 開明童童 總御火兵 備守三宮  
斬邪束袂 剪截魔兒 北帝所承 風火八衝  
流鈴交煥 敢有不從 正道流行 我享上功  
保天長存 億劫無終

西方

七氣之天 太白流精 光曜金門 洞朗太冥  
中有素皇 號曰帝靈 保神安鎮 衛我身形  
斷截邪源 玉道正明 官殿整肅 三景齊并  
道合自然 飛昇紫庭 靈寶符命 普惠萬生  
功加一切 天地咸寧

北方

北方玄天 五氣徘徊 辰星煥爛 光曜太微  
黑靈尊神 飛玄羽衣 備衛五門 檢稽捕非

敢有干試 豁落斬推 玉符所告 神真八威

邪門閉塞 正道明開 映照我身 三光同輝

聚赤靈浮 舉形仙飛

中央

黃中理氣 總統玄真 鎮星吐輝 流煥九天

開光童子 一十二人 元氣陽精 爛上朱煙

洞照天下 及臣等身 百邪摧落 殺鬼萬千

中山神呪 普天使然 五靈安鎮 身飛上仙

太上大道君曰此自然五篇衛靈神呪舊出

靈寶五文上篇制魔召靈役使群神安鎮五

嶽保天長存明理三光致國太平兆民享福

濟度群生吾普受之於元始天王使依玄科

四萬劫一傳子位登高仙總統三界臣御群

靈令以相告子擇其人必合玄圖依科以傳

凡欲修道求仙致真安國寧家截諸不祥當

奉行自然衛靈神呪常以本命太歲甲子庚

申及修齋之日常東向誦之一偏則神朗氣

正宮宅肅清邪魔摧滅五炁降真萬試賓伏

效災喪亡長齋修誦勉成真入

太上大道君告高玄大法師曰夫來入吾法

門上赤神仙飛騰華者次願家國安寧過度

萬患消災滅禍請福求恩當先修靈寶自然

五篇八齋悔罪懺謝十方上解宿世重過拔

度惡緣下解己身積行以來所犯罪愆勤行

齋直廣建福田救度一切卹死護生功成德

普乃合道心惡對自滅善緣來生家門端整

所願咸從神真玄降坐致飛仙此治行之本

求道之源學無此法徒勞心神宿根不解望

道泯泯至老無獲不免諸患大道廣德哀之

在心今故相告子勤修行吾普受之於元始

天王使我秘之於靈都上館四萬劫一出子

今當依先師舊科若有至學之人名書金簡

行合神仙子當傳之焉

遺言齋日燒香東向祝曰日今故燒香歸

身歸神歸命

東方無極太上靈寶天尊今仰謝東方九

氣青天太清玄元上三天元極大道太上老

君太上丈人天帝君天帝丈人太帝帝君上

皇老人三十九真七十二聖高玄真君九老

仙都君九氣丈人始生青真東華玉寶高晨



大司馬上相青童君元老九玄主仙真人无  
 缺數量百千萬重道氣千二百官君大清玉  
 陛下青帝九氣玉門神仙四司真人諸天至  
 極上聖大神東鄉无極世界神正真乞丐  
 原巨宿世以來七祖父母下及自身積行所  
 犯殺害賢良元逆醜惡非人所行淫色盜竊  
 敗人成功離人骨肉奪人所崇為子不孝為  
 臣不忠反上逆主攻伐師宗上不敬天地下  
 不畏鬼神嘗毀大道泄露靈文口是心非勝  
 已嫉能輕慢四大污穢三光惡口兩舌惡擊  
 善人諸如此罪歷世纏綿結固不解積成丘  
 山乞今燒香行道懺謝玄真宿縛解散七祖  
 同權去離五道拔度八難窮魂解脫上昇福  
 堂舉家无他天下受恩國土太平四海興隆  
 帝王懽悅國富民豐惠加眾生咸蒙道恩本  
 束身歸命靈寶天尊賜<sub>臣</sub>得如所願位登上  
 仙昇入无形與道合同  
 畢九叩頭九擗頰次南向燒香祝曰<sub>臣</sub>今  
 故燒香歸身歸神歸命  
 南方无極太上靈寶天尊<sub>臣</sub>今仰謝南方三

氣丹天太清南極皇上老君洞靈玉帝上元  
 禁者三元丈人始老玄真萬福君萬福夫人  
 南昌上官注生司馬太極真人太和老李玄  
 和丈人赤帝丹靈高仙萬真諸天至極上聖  
 大神南鄉无極世界神正真乞丐原巨宿  
 世以來七祖父母下及自身<sub>餘如</sub>  
 畢九叩頭擗頰次西向燒香祝曰<sub>臣</sub>今故  
 燒香歸身歸神歸命  
 西方无極太上靈寶天尊<sub>臣</sub>今仰謝西方七  
 氣靈天太清西華高上皇帝太靈元始老君  
 萬始先生太素三元君金闕七寶後聖帝君  
 主仙丈人太和玉女西靈金母白帝高仙四  
 極真人諸天至極上聖大神西鄉无極世界  
 神正真乞丐原巨宿世以來七祖父母下  
 及自身<sub>餘如</sub>  
 畢九叩頭擗頰次北向燒香祝曰<sub>臣</sub>今故  
 燒香歸身歸神歸命  
 北方无極太上靈寶天尊<sub>臣</sub>今仰謝北方五  
 氣玄天太清太上高皇玉帝虛皇道君太上  
 老君太上丈人太上太道玉晨君北極真公

丈始先生黑帝皇老高玄真人自然童子北  
 辰九真斗中大神五靈夫人太華九辰高上  
 萬重諸天至極上聖東神北鄉无極世界神  
 仙正真乞丐原巨宿世以來七祖父母下及  
 自身<sub>餘如</sub>  
 畢九叩頭擗頰次東北向燒香祝曰<sub>臣</sub>今  
 故燒香歸身歸神歸命  
 東北无極太上靈寶天尊<sub>臣</sub>今仰謝東北始  
 蒼天太清無極虛無自然大道至真上聖靈  
 寶始青老君九天真玉東明虛皇帝君九靈  
 先生玉華真帝高皇上真真人諸天至極上  
 聖東神東北方無極世界神正真乞丐原  
 巨宿世以來七祖父母下及自身<sub>餘如</sub>  
 畢九叩頭擗頰次東南向燒香祝曰<sub>臣</sub>今  
 故燒香歸身歸神歸命  
 東南无極太上靈寶天尊<sub>臣</sub>今仰謝東南始  
 丹天太清洞極虛無自然至玄道君上聖靈  
 寶始赤陽元老君南極老子太和先生三靈  
 玄上萬福皇老丈人丹靈高皇帝君太陽真  
 人好生度命司馬玄真三元君紫晨大道君

南明洞靈虛道君朱官赤精南昌司命四極真人諸天至極上聖東神東南無極世界神仙正真乞丙原日宿世以來七祖父母下及自身餘悉如上法

畢九叩頭擗頰次西南向燒香祝曰日今

故燒香歸身歸神歸命

西南無極太上靈寶天尊日今仰謝西南始素天太清玄極虛無自然浩冥皇上元靈道君金華至真靈寶始素老君三天玉童紫陽真公斗中四真元陽帝君紫精先生萬福萬氣萬慶萬生君西明太靈虛皇道君金門素靈七真玉華君諸天至極上聖東神西南無極世界神仙正真乞丙原日宿世以來七祖父母下及自身餘悉如上法

畢九叩頭擗頰次西北向燒香祝曰日今

故燒香歸身歸神歸命

西北無極太上靈寶天尊日今仰謝西北始玄天高上元皇道君九天元靈洞寶太上真老君無量太華靈寶始素老君皇上丈人北玄九真華晨君天門度世飛天羽郎玉仙監

總靈司馬上古三師大聖東至真諸君丈人諸天至極上聖東神西北無極世界神仙正真乞丙原日宿世以來七祖父母下及自身餘悉如上法

畢九叩頭擗頰次向下方燒香祝曰日今

故燒香歸身歸神歸命

上方無極太上靈寶天尊日今仰謝上方太無極無形無名無頂無極至真太上大道高皇大帝九天元父元始天王元始丈人至極靈寶洞玄太上元靈老君無極大聖東至真諸君丈人諸天至極上聖東神上方無極世界神仙正真乞丙原日宿世以來七祖父母下及自身餘悉如上法

畢九叩頭擗頰次向下方燒香祝曰日今

故燒香歸身歸神歸命

下方無極太上靈寶天尊日今仰謝下方玄黃天无上無極无色无鞅无量數太上帝道九千九百九十九萬億重道天老九天玄母太黃元君九天真玉无上虛皇玄和老人太極真人黃老皇帝黃老丈人元黃中帝五老

上仙諸天至極上聖東神下方無極世界五嶽四瀆神仙正真乞丙原日宿世以來七祖父母下及自身餘悉如上法

畢九叩頭擗頰

行此十方懺謝畢便依威儀舊典此學道之本上可以解七祖之宿對下可以除身行醜惡之罪眾愆既散神明自祐神明既降天民歸心功德廣載福履无窮普濟一切護度群生斯法妙重難可具稱

道言夫欲修善建功廣種福田當為天民修齋謝罪放生然燈拔度宿緣解脫世羅天民蒙恩也  
靈寶真文既竟方諸官中東華上房青童君歌和魂致神之曲有得誦之天靈降衛萬祇發達神聰意朗存念易感有經之子實而秘之勿妄傳焉

東華上房靈祀歌曰

紫桂植瑤園 朱華聲樓樓 月宮生藥洲 日中有瓊池 左拔圓靈曜 右掣丹霞暉 流金煥絳庭 八景絕煙迥 綠蓋浮明空

羽節命太微 鳳精童華顏 琳腴充長飢  
 控晨挹太素 乘欲翔玉階 吐納六靈胎  
 玉頰抱中隨 彈微南雲扇 香風鼓錦披  
 叩商百獸舞 六天攝神威 倏忽億萬春  
 齡絕鬱魏魏 小解未烹鼎 言我巖下悲

青童大君與太虛真人西城太真小有真  
 王集於瑤臺瞻眄十方垂悼萬生耽慕世  
 塗不知玉晨之會發歎與吟各賦詠一篇  
 每至齋日讀之以招四真之祐焉  
 青童大君吟詠曰

欲殖滅度根 當拔生死栽 沈吟墮九泉  
 但坐惜形骸

太虛真人吟詠曰  
 觀神載形時 亦如車從馬 車敗馬奔亡  
 牽連一時假 哀世莫識此 但是借風火

種罪天網受 毒地獄下  
 西城真人王君吟詠曰  
 神為渡形舟 泊岸當別去 形非神常宅  
 神非形常載 徘徊生死輪 但苦心猶豫  
 小有真人王君吟詠曰

失道從死津 三魂迷生道 生日已遠  
 死死日已早 悲哉苦痛容 根華已顛倒  
 起就零落座 焉知返枯老

東海青童君常以丁日登方諸東華臺四  
 望十方子以此日常可向日再拜日出行  
 之適子所願因此服日精為佳也

上清大道玉晨君常以正月四日二月八  
 日三月十五日四月八日五月九日六月  
 六日七月七日八月八日九月九日十月  
 五日十一月三日十二月十二日以此日

登玉霄琳房四盼天下十方有志節違周  
 旋樓尚純仰清真修履注之心者兆始修  
 學未能憑想絕巔欲自陶鍊宿愆每造其  
 日清齋平旦之時北向再拜祈請極陳子  
 也兼以禮訓階隆福之漸拜禮願畢服玉  
 池三十六過微手深哉勸勗之焉

太上洞玄靈寶真人要解上經

二經同卷

八十三

太上黃庭內景玉經  
 太上黃庭外景玉經

太上黃庭內景玉經

上清章第一

上清紫霞虛皇前太上大道玉晨君閑居藥  
 珠作七言散化五形變萬神是為黃庭作內  
 篇琴心三疊舞胎僊九氣映明出霄間神蓋  
 童子生紫煙是曰玉書可精研詠之萬偏昇  
 三天千災以消百病痊不擇虎狼之凶殘亦  
 以却老年永延

上有章第二

上有魂靈下關元左為少陽右太陰後有密  
 戶前生門出入月呼吸存元炁所合列宿  
 分紫煙上下三素雲灌溉五華植靈根七液  
 洞流衝虛間迴紫抱黃入丹田幽室內明照  
 陽門

口為章第三

11001A 38-2